

20. maj 2020

**Pissutsit immikkut ittut inuiaqatigiinnut kalaallinut immikkut pingaarutillit (Covid-19 pissutsit) pillugit Naalackersuisut Siulittaasuanit nassuiaat**  
(Naalackersuisut Siulittaasuat)

Siullermik Coronap nunatsinnut takkunnerani upalungaarsimanermi ataatsimiititaliarsuarmi sulisimasut tamaasa sulisimanerannut Siumumiit qamannga pisumik qutsavigaagut.

Ullumikkut nappaateqartoqannginnerani killiffippit ilissi sulilluarnissigut Naalackersuisunullu innassuteqarluartarnissigut anguneqarneranut patsisaavoq.

Aammattaaq sinerissami assigiingitsunik Coronaqarneq pillugu sulilluarnernerannut qujarusuppugut. Naalackersuisut COVID-19 pillugu nassuiaataat Siumumiit soqutiginaartut tiguarput.

Qaammatalunnguit matuma siorna nunatsinni CORONA ilisimaneqanngilaq.

Innuttaasuusugut pinngitsoqarata tamasavitta tupatsinneqarpuguit. Piffissap ingerlanerani suli annilaartitaanerulerpugut tusartaleratsigu nunani assigiinngutsuni Corona patsisigalugu toqusartut tusindilikkaalersut.

Naalackersuisut upalungaarsimanermullu suliaqartut sulilluarnesisigut massakkut kingumut qiviarutta takulersinnaalerparput nappaatip taassuma nunatsinni annertunerusumik siaruarnissaa pinngitsoortinneqartoq.

Naalackersuisut siulittaasuata nalunaarutaani sulisimaneq tamarmi ersippoq.

Siumumiilli immikkut oqaatigerupparput nunaqarfinni illoqarfinnilu tamani periusissanut assigiinngitsunut innuttaasut paasinnilluarnerat patsisaaqataalluinnartoq ullumikkut Coronamik nunatsiinni napparsimasoqanngimmat. Qujanaq

Piffissap ingerlanerani tusaatitigut isiginnaarutikkut naqitatigullu eqqaasitsissutit assigiinngitsut kimilluunniit arajutsineqarsinnaanngitsut aamma inunnik tamanik nappaat pillugu mianersorfissanik eqqaasitsisarnerat iluaqutaaqaaq.

Uagut inersimasut isumaqarluta Qanorooq naammattooq, meeqqanut Coronagooq paasinarluartumik suliaasoq isiginnaarlugu torrak. Paasisitsiniutit taamaattut qiimasumik imallit imerlanerusariaqaraluarput.



Naalakkersuisut nunatta ammarneqarnissaanut pilersaarutitut immikkoortunut pingasunut tulleriinneqartunut saqqummiunneqartut tunngaviatigut isumaqatigaagut.

Niuernerit angallannerit assigisaasalu ammariartuaarnissaat Siumumiit isumaqatigaarput, mianersorfissalli annertuumik eqqumaffigineqassapput.

Ippassaq imk. 193 / 95 oqallinnermut nuannersumut annertuunillu siunnersuuteqarfiusunut qujavugut.

Taamaattumik taakku innersuussutigissavagut Naalakkersuisunit tusaaneqarnissaat. Una ajornartorsiut aatsaat taamak nunatsinnut assigiinngitsutigut eqquisoq suleqatigiilluta minnerpaaffigisinnaasaaniititsigu.

Naalakkersuisut partiit siutuunik suleqateqarnerat annertusineqassasoq kissaatigaarput allaallu taarusussinnaallugu suleqatigiissitatut. Aammattaaq isumaqarpugut Inatsisartut Siulittaasuat peqataatinneqassasoq. Soorunami kikkut akisussaasuusut nalunngilagut, kisianni uani suliami assortuussutissarsiorata immitsinnut paaseqatigiilluta sulisariaqarpugut.

Suleqatigiilluarisa.

Hermann Berthelsen

Siumut